



Poštovani čitaoci,

Zadovoljstvo mi je predstaviti prvi e-bilten Suda Bosne i Hercegovine.

Svjesni da smo, s pravom, pod lupom javnosti veliki značaj pridajemo transparentnosti i ulažemo značajne napore da naš rad bude svima dostupan i podložan kritici. Trudimo se pružiti što više informacija koje su od javnog značaja i naš rad približiti građanima Bosne i Hercegovine. Pored brojnih aktivnosti, koje godinama provodimo, uvijek nastojimo ponuditi i nove oblike komunikacije kako bi mediji, pa tako i javnost uopšte, imali uvid u naš rad. Novi e-bilten Suda BiH izlazit će periodično, a za godinu koja nam dolazi planiramo i druge aktivnosti kojima ćemo nastojati približiti naš rad.

Želim vam sretnu i uspješnu Novu 2014.godinu

Medždida Kreso, predsjednica Suda Bosne i Hercegovine

POSJETE VISOKIH ZVANIČNIKA

U 2013. godini Sud Bosne i Hercegovine su posjetili mnogi zvaničnici među kojima su i

- Ambasador Kraljevine Holandije u BiH, Jurriaan Kraak
- Britanski ambasador Nigel Casey
- Otppravnik poslova Ambasade SAD-a u BiH, Nichollas Hill
- Ambasadorica Kraljevine Španije u BiH, Maria Aurora Mejia Errasquin
- Predsjednik MKSJ, Theodor Meron
- Šef misije OSCE-a i ambasador, Fletcher M. Burton.

PORUKA ODJELJENJA ZA PODRŠKU SVJEDOCIMA SUDA BIH

Adekvatna i blagovremena podrška svjedocima prije, za vrijeme i nakon njihovog svjedočenja pred Sudom Bosne i Hercegovine predstavlja značajan doprinos pravičnim suđenjima.

Podrška svjedocima podrazumijeva pružanje informacija o toku procesa, profesionalnu podršku (logističku, administrativnu i psihološku), uz uvažavanje prava, potreba i obaveza svjedoka.



Odjeljenje za podršku svjedocima Suda Bosne i Hercegovine je od 2005. godine do danas pružilo podršku za 7162 svjedoka koji su svjedočili u Sudu BiH.

KONFERENCIJA



Predstavnici Suda Bosne i Hercegovine učestvovali na konferenciji: " Izazovi Izvještavanja o suđenjima za ratne zločine u Beogradu "

VIJESTI IZ SUDNICA

Odjel I za ratne zločine Suda BiH

- Veselin Vlahović osuđen na 45 godina zatvora zbog krivičnog djela zločini protiv čovječnosti
- Božidar Kovelja pravosnažno osuđen na 20 godina zbog krivičnog djela zločini protiv čovječnosti.

VIJESTI IZ SUDNICA

Odjel II za organizirani kriminal, privredni kriminal i korupciju Suda BiH

- Pet optuženih u predmetu Zijad Turković i dr. osuđeno na ukupno 100 godina zbog krivičnog djela organizirani kriminal
- Mevlid Jašarević pravosnažno osuđen na 15 godina zatvora zbog krivičnog djela terorizam.

POSJETE I AKTIVNOSTI U 2013.

924 Broj posjetilaca – studenata iz BiH i inostranstva u toku 2013.

8 Broj visokih zvaničnika u posjeti Sudu Bosne i Hercegovine.

4 Broj debata u organizaciji Helsinškog odbora u lokalnoj zajednici

4 Broj predavanja za studente van Suda Bosne i Hercegovine.



POSJETA

Učenici srednje škole UPPSALA, polaznici programa Međunarodni konflikt i mirovni studij iz Švedske posjetili Sud Bosne i Hercegovine.

NADOMAK NOVE 2014. GODINE

Sud BiH je, uz podršku relevantnih domaćih institucija i Međunarodne zajednice, prešao težak put na kojem je predanim radom sudija, zalaganjem svih uposlenika i dobrim rezultatima rada stekao epitet jednog od najrespektabilnijih u regionu. U proteklih 8 godina učinjeno je mnogo – od jedne male institucije, kakva smo bili na početku, danas Sud BiH uživa ugled; danas je to institucija čiji su rezultati rada poznati i priznati i van granica naše zemlje. U monitoringu našeg rada nikada nije zabilježena pristrasnost sudija ili nefer i nepravično suđenje, što potvrđuju brojni međunarodni i medijski izvještaji. Sud BiH uvijek teži boljim rezultatima od onih koje smo imali u prethodnim godinama. Stoga ćemo nastojati da Nova 2014. godina bude još efikasnija i potruditi se da rezultati rada Suda BiH budu dostojni povjerenja naših građana.

KONTAKT

Sud Bosne i Hercegovine | Odjeljenje za informiranje javnosti | Adresa: Kraljice Jelene 88 | Sarajevo |
Telefon: + 387 33 707 164, 165, 178 | Fax: + 387 33 707 194 | email: pios@sudbih.gov.ba | web: www.sudbih.gov.ba |